

中國方志叢書·華中地方·第九五號


據 余誼密修·徐乃昌等纂
民國 鉛 印 本 影印

安徽省

南陵縣志

(一)

成文出版社有限公司印行



10094174

中國方志叢書·華中地方·第九五號


據
民國
國
鉛
印
本
纂
影
印

安徽省

南陵縣志

(二)

成文出版社有限公司印行



10094173

中華民國五十九年八月臺一版

南陵縣志

全二冊

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

率陵縣志

五十七卷

縣人徐子昌題

南陵漢春穀地素稱劇縣左控山右帶水形勢雄偉土

壤膏腴故聲名文物舉足紀載以資觀感在昔宋清熙

間有春穀志明嘉靖萬歷間有南陵志厥後脩者踵起

首見於順治丙申再見於雍正丙午然閱時既久順治

志固已久湮雍正志亦復多缺惟嘉慶戊辰徐邑侯

田所脩縣志全帙猶存道光辛巳劉邑侯鼎邦來尹是

邦同治己巳蔡邑侯人奉檄戾止屢次興脩迭遭散

佚而吉光片羽僅詩詠間存其往事王邑侯成驤朗陵

劉石臣省志偶著其條文徐志脩於光緒朝其間條文若兵

事忠節宦蹟孝友義行孝女諸門有注明南陵縣志而

南陵縣志卷首序

省志藝文光緒己亥宗邑侯諱能復擬興脩旋經受代

祇成輿地職官列女藝文四志宣統己酉俞邑侯諱炳

倡捐俸金廣續修葺例目甫編條又中輟迨民國癸丑

余邑侯諱密莅任伊始觀風問俗深歎文獻之無徵次

年甲寅會邑中薦紳合議重脩設局分任其事並延訂

編輯采訪各員以余曾撰建置沿革表謂為究心鄉邦

掌故也爰責以纂脩之役雖然居今日而言脩志其難

有三簡蠹羽陵舊乘放失掇挹叢殘獨抱孤本則攷正

難邑逢兵燹公私糅雜經制變遷典章闕略則鉤稽難

歲歷星霜遺蹟湮沒耆舊凋謝傳聞異詞則審定難茲

荷謗誣重付託乃進而協同討論商榷體裁大都根據

所固有藉存舊志之真如志中注明以舊志者是增益所本無俾

埃新志之實如志中注明以新志者是而其中事類舊有今無者

仍錄原文如戶口丁額今有舊無者推廣子目如學

額宗祠軍功議員自治員畢業賢淑等日及附日中沿

革表畧度表坊保號自治區城歲時占驗方言潭溝學

諸條皆其類又或就其所有而量移之如徐志列女入

列女志寺觀舊附營建志增廟下物產舊附食貨志

貨志戶口下今移收入物志鄉飲就其所無而瓶置之

如經籍金石苟發例為專條皆折衷於眾意由是操筆

執簡記事纂言悉皆取證故帙甄錄遺聞而諸同志兼

南陵縣志卷首序

程孟晉無閒寒暑卒使一邑典制次第告竣謏陋如余

猶得跂附宏碩相與以有成焉不其幸與乃為之叙曰

縣稱劇邑土著齊民山水盤鬱原隰平勻在地成形藉

書於手計里開方執樞運紐瞭如指掌朗若列眉按以

驥索數此鴻規述輿圖第一

漢縣春穀梁郡南陵有叛有襲或廢或興治亂泯焚成

敗倚伏叢戕懿親觥觥藩服畫線作罍指車懸鉞條舉

件繫鑒古規今述沿革第二

斗牛須女天象昭垂義和章亥人為設施圭度管窺緯

橫經直長短景分高卑極測侵祥順序寒暑應期衛風

揆日圖土授時述星野第三

四至八到繡錯鄰封眾輻一軸穀籍要衝都尚有章軌連是式閭閻崇宏衢徑端直環列墟集散處郊垌各臚界限備著圖經述疆域第四

敦弊樸玩燥濕剛柔氣鍾水土化竺魯鄒社結粉榆記編荆楚農諺童謠街談巷語識緯比類音訓轉移解俟揚子名釋劉熙述風俗第五

工峯作鎮弋江安流羣嶺拱衛眾水交投屹屹巖巖綿綿翼翼屏障西南襟帶東北重關虎踞巨浸龍驤吾圍以固吾民以康述山川第六

南陵縣志

卷首序

三

水利肇興土功攸父築隄宣防斯渠灌溉歲分旱澇地判崇庠啟閉異勢瀦洩隨時澤我田疇盈我淪漚耕雨刈晴飲和食德述圩壩第七

地以人靈人因地傑序厯星霜幽探碑碣陂池亭榭堂閣軒樓蒼茫雲物零落山邱慨想夷門流連隨會式曠襟期遠超塵壚述古迹第八

道邁百王牆高萬仞聖域恢宏賢關崇峻禮樂明備俎豆馨香黍供猷畝祀重膠庠校舍覃開英才薈集師立楷模兌占講習述學校第九

兵嚴編制地重設防守望是賴訓練有方職奉條狼禁

申司競衛眾安民詰姦去盜傳命貴速乘駟猶差書達捷足舟運機牙述武備第十

豫取重門坎言設險居安思危防微杜漸勢連百雉氣壯千熊墨翟運智巧般輟攻眾志所成人和是務鎖鑰森嚴金湯鞏固述城池第十一

體制崇重輪奐喬皇武城偃室單父宓堂僚佐分猷師儒播化各有館衙非同傳舍常平預備少廣商功廢排櫛比粟積年豐述官署第十二

天地山川神祇人鬼胥蠻遙通靈應斯偉有功則祀數典莫忘報本返始逐厲迎祥牲醴肥粢盛豐潔血食

南陵縣志

卷首序

四

禮崇心香瓣蕙述壇廟第十三

梵宇仙宮禪門道藏七寶莊嚴三清供養蓮龕菌壁金龜玉壇開士棲隱真人盤桓航海梯山築樓建邸約布福音戒傳洗禮述寺觀第十四

根維葛底慶衍椒蕃本支百世遐邇一源作室肯堂左昭右穆祭祀孔嘉妥侑介福禮隆收族教貴明倫匪特長長亦以親親述宗祠第十五

水盈澤腹岸斷河脣路達司險道迂候人此子云疲小民病涉虹架圮橋川利舟楫濟無濡軌硤罔褰裳布爾惠政示我周行述津梁第十六

水旱金革饑饉凶荒人有菜色邑發棠倉周禮去譏漢家賜復曠典特頒烝民乃育勞定安集蠲緩豁除駿惠其布鴻誓以舒述郵政第十七

我疆我理是畚是耨壤區科則額頒度支商業鹹饑民鮮淡食制定常經課裕邦國蓄糧餘九樂歲登三災防歉裔糴平石儋述田賦第十八

任土作貢挽粟飛芻納銓及枯銜舳接艫制本古沿途或今改由沽達京先河後海上供天庾下裕軍儲功資輸轉弊革吏胥述漕運第十九

邑撫提封版收著籍雁序排名魚鱗列冊糧徵賦畝民南陵縣志 卷首 序 五

料閭閻相時因革苛政剔除丁雖日滋賦不加益編審用停寬仁咸懌述戶口第二十

庶人在官公門守法按年推班隨爵分甲治根清靜弊起繹騷宜養元氣忍削脂膏力裕撫綏條除科派成規具存稽古莫懈述徭役第二十一

飛潛動植水陸陰陽夏書禹貢周禮職方誕菁毓英川林山澤崇實黜華菽粟布帛源開地利寶愛土宜既多且有受惠孔時述物產第二十二

設官分職守土牧民棠憇召伯花種安仁貳令爲承千夫有長鬢序育才蘇湖嗣響澤敷芸庶代受瓜期流風

不沫善政在茲述職官第二十三

朱邑循良宋登儒雅祠建桐鄉食配汝社名留題壁治佐鳴琴榮聞不顯感化同深功德謳思祀典隆阜奉以神明愛若父母述名宦第二十四

國家顯俊文武掄才英雄穀入甲乙榜開夬揚王庭彙征皇路門第標華簪纓延祚推恩錫類養老尊賢成學致用立法司權述選舉第二十五

緯武經文敷中厯外柱石同尊國家攸賴大猷秩秩碩畫繁榮懋直少孺轉運士安執圓處方宏業顯德輝炳旂常功存社稷述名臣第二十六

南陵縣志 卷首 序 六

捍災禦患履凶蹈危許身報國飲刃如飴殺敵捐軀罵賊斷舌一片丹心千秋碧血致命遂志取義成仁毅魄不死正氣常伸述忠節第二十七

出身加民策名委贊節操清廉行能卓異考功考最有守有爲聿著政績不負職司來暮歌興去思碑樹景仰前賢勒成治譜述宦業第二十八

頗牧用趙李郭興唐風生虎嘯雲起龍翔元戎車騎大將旌麾戡暴止亂制勝出奇起赴千城桓桓師旅勳策明堂氛靖寰宇述武烈第二十九

明體達用利物濟人仕則循吏退則薦紳善政流風耆

年碩德先正典型後生矜式舊編傳例已具標題簡冊
非贅案牘可稽述鄉獻第三十

漢重經師宋傳道學式啟後人端賴先覺居敬窮理尊
聞行知事功外發德量潛滋去偽存誠開宗明統遠紹
心源邇資世用述儒林第三十一

枕經薛史閉戶下帷百家汎覽千秋自期劉勰雕龍曹
植繡虎摘藻揚華引宮刻羽遇有通塞才無古今游詩
書圖登著作林述文苑第三十二

型觀梓俯瑞兆荆榮箕裘繼美壘篋同聲蓼莪哀興常
棣難急至性至情可歌可泣詎曰庸行實本良知彝倫

南陵縣志 卷首 序

七

弁冕世教綱維述孝義第三十三

爲善最樂莫如好施行道有福端在扶危風人兩人食
我衣我愷惻慈祥安置帖安情非市惠心豈要譽俗勵
澆薄功收補苴述懿行第三十四

兩陽不咸旱澇乃亟行義行仁羣策羣力居謀鳩集飢
歎鴻醵粟貸宋罕粥食黔敖捐俸輸糧勸分省穡任卹
可風法程足式述助賑第三十五

箕山潁水無懷葛天忘情軒冕遁跡林泉遺世居貞辟
人高蹈文章自娛詩酒寄傲志潔白雪氣干青雲麋鹿
爲性鸞鶴同羣述隱逸第三十六

書畫棋琴醫卜星相志用不紛手誰與抗藪雖小道學
亦專門非通奧窔矚抉籬藩操術成家蜚聲藉起神而
明之歎觀止矣述方伎第三十七

大邑所治德星是聚猗彼名賢適茲樂土因遷作客以
官爲家依仁卜宅訪道停車遠游運期千里命駕辟地
幼安一枝可借述流寓第三十八

儒居其一教則有三道宗清靜釋記伽藍禮問老聃東
魯孔氏序贈高閑昌黎韓子養眞閬苑參佛祇林著跡
靈異妙法宏深述方外第三十九

太和翔治純嘏緝熙一室雍順百年期頤樂山其仁得
南陵縣志 卷首 序

八

天者厚既錫遐齡克昌厥後芝綸益慶粟帛膺榮祥凝
鍾毓瑞啟昇平述壽民第四十

見廟作婦出嫁從夫禮有定制情無可踰迺或在室竟
失所天易采服素反經行權志矢堅冰質完太璞遇固
多艱行尤獨卓述貞女第四十一

如蘭之質有椒其馨悲嘯漆室才雋謝庭悅憤驚麗幣
孤聘雁生不逢辰少乃摠患身撞玉碎掌撲珠沈旌揚
邀典里鄰同欽述烈女第四十二

緹縈上書嬰兒撤璫行分庸奇遇判正變悲風倏起愛
日常懸泣血愴地封股籲天誠通神明戀深父母女表

奚慚崇祠不朽述孝女第四十三

人稱未亡嫠恤其緯古井停波嚴霜肅氣別鵠曲苦孤鸞鏡明會稽道蘊巴蜀懷清荻筆傳歐柏舟賦衛綽楔千秋芬芳百世述節婦第四十四

戒嚴露鶴劫慘沙蟲虹騰雌霓嶺墜清風瘞骨生香翦金爲字絕食投繯輕身重義誰謂巾幗不若鬚眉褒綸下逮秩祀允宜述烈婦第四十五

鄭婦捍盜柳妻乳姑繫誰趾美與古爲徒侍膳調羹糜肉和藥跡有異同心歸誠恪至誠感格盛譽崇隆行超內則俗激澆風述孝婦第四十六

南陵縣志

卷首

九

易言中饋詩詠好述家道正內壺範垂休桓孟風微鍾郝坊表持身以勤善心曰窈幽嫺貞靜惠和仁慈直具士行堪稱女師述賢淑第四十七

載道立言經國大業賈董遺規淵雲成法才攄斗石辭放瓊琚麟麟炳炳雅雅魚魚鏤雪精思凌雲健筆廣輯篇章常存馨逸述藝文第四十八

簡冊鉤稽篇目排比體肇班書名承隋史汪洋羣彥慈惠官師著述宏富卷帙紛披中壘校讐攷工剞劂備載靡遺傳芳不歇述經籍第四十九

尚功薛氏永叔歐陽彝鼎搜剔碑碣平章拂拭煙雲摩

挈風雨文闕存疑字蝕待補拓以甃蠟寶若璆琳錄賡集古光炳鑠今述金石第五十

庶徵箕疇披圖瑞應靈或稱奇事資左證鄉邦故實父老評論義慶世說光憲瑣言索隱探微旁搜遠紹爰爲彙編藉以識小述雜志第五十一

嘉慶舊纂靈光獨存提綱挈領別類分門蔡輯多湮宗修未畢攷證獻文網羅散失抱殘訂古踵事增新敢陳掌故待質通人述叙錄第五十二

綜上所錄略具梗概抑余更有進者昔顧氏亭林謂文須有益而後可作若邑志爲經濟之書錢穀兵刑禮樂政教地方之豐歉民生之休戚人才之消長風氣之純

南陵縣志

卷首

漓莫不擇精語詳條分縷析然則吾邑克成斯志而辨物類名達情諭道頒憲正俗計利防弊近足徵信於鄉里遠堪昭示於來茲將其爲益也至深且鉅夫豈等名山盛業徒侈私家之著述哉邦人君子可以興矣縣人徐乃昌譔

南陵縣志例言

一志中所采事實上據嘉慶徐志下訖宣統三年故每類先錄舊志次爲新增其舊志中有變遷及遺漏或舛誤者悉爲補訂詳加按語

一志中名稱嘉慶志及補遺統曰徐志其徐志內所引舊志仍依徐志

曰舊志雍正志曰宋志小志曰宗志嘉慶府志曰府志

安徽通志曰省志江南通志曰通志

一志目悉依徐志惟光宣間舉行新政有非舊目所能賅括者依類另增子目

一志地理者必詳輿圖故宋以前志乘多稱圖經徐志

南陵縣志 卷首 例言

輿圖攢形繪勢未爲精核今悉計里開方本實測以

示標準

一授時實用在測得北極出地若干度而後日景之長短分節氣之寒暑定非虛言氛侵者可比徐志未詳今遵熱河通志首列晷度例作晷度表俾參觀之藉重民事

一教堂徐志不載然自海禁大開所在多有今遵日下舊聞考載天主堂例附教堂於寺觀之後

一宗祠即家廟古稱宗廟司馬文正所撰文潞國先廟碑記略云先王之制皆有廟君子將營宮室宗廟爲

先漢世公卿貴人多建祠堂於墓所蓋其由來遠矣今仿通考載大夫士庶宗廟例增宗祠

一咸同以來邑經兵燹鄉團士民多致命遂志者惟歷年既久姓氏雖具事蹟半湮今於忠節傳後分已祀未祀各彙成表用彰義烈

一徐志列女入人物志茲仿後漢書列女傳例改立列女志志目中子目七其貞女烈女孝女節婦烈婦孝婦則從徐志其賢淑則依省志新增

一列女志中節婦烈婦人數最多次則咸同以來櫻匪難者亦眾乃或事實缺略而姓氏僅存今於節婦烈

南陵縣志 卷首 例言

婦傳後分已祀未祀各彙成表用彰義烈

一藝文志類自班書祇載篇目不錄文字范文穆吳郡志始蒐一郡之作彙而存之徐志藝文分疏割議辨書記序箴銘贊賦詩計十二類子目頗嫌繁瑣今分文賦詩詞爲四類均以人先後爲次其徐志原有藝文分編經籍金石者不具錄

一徐志載籍附藝文邑人官師及校刊者羈雜不分今仿隋書經籍志例增經籍志首列邑人著述次附官師著述後附邑人校刊惟經籍當分四部然未觀全

書分隸恐致失當今亦以人先後爲次雖較通例稍殊而一人撰纂彙萃簡中亦足資論世知人之助焉一金石文字足補史乘之遺故酈道元水經注多叙漢魏碑碣李吉甫元和郡縣志晉祠銘亦加甄錄且至元嘉禾志三十二卷碑碣一門占十一卷後人不病其繁者以所錄多資考證也徐志無金石今仿嘉禾志例增金石志

一作志源流具於叙傳舊志修輯采訪姓氏及叙引篇目並錄存之編爲叙錄以昭往式

南陵縣志重修題名

主修

余誼密

字誼和 貴州 縣人

纂修

徐乃昌

字植餘 邑人

編輯

劉富曾

字謙甫 儀徵人

李肇僊

字元之 江都人

馮澂

字涵和 南通人

張廷華

字夢孫 吳興人

南陵縣志

卷首 題名

陳乾

字直如

以下均邑人

張樹楨

字蘇齋

盛銘勛

字蘇齋

陳景榕

字魯聲

梅聘棠

字笛清

孫澤鴻

字百川

孫鵬

字步雲

王楷

字槐鼎

汪廷幹

字河清

丁光棣

字禾青

王 鎔 字鏗江

牧 鵬 字鵬雲

經理

劉弗增 字欽甫 以下均邑人

張 森 字明德

張燮梅 字鼎利

潘崇基 字德成

何 英 字聰承

朱文煒 字蒸融

沈葆祺 字靜山

桂雲階 字超雲

丁寶三 字海秋

王日陞 字延成

牧 焜 字子驥

劉元英 字嘉琴

秦 芬 字聲如

俞樹樾 字峻韻

方日升 字指高

秦良楷 字蘭帆

籌捐

姚廣虞 以下均邑人

方日升

張葆玉

劉錫鵬

黃 劭

孫霽周

張燮梅

管 澍

王雨霖

熊 飛

璩文楷

張覺堂

張國英

陶樹勛

彭邦彥

王世英

桂雲階

沈葆祺

洪 藻

李仲芳

童惟康

何煥

孫樹榛

余躍龍

黃渤

劉元英

徐繼藩

章文露

林澤恩

汪逢椿

南陵縣志

卷首 題名

朱焯

俞廷芬

秦兆淦

張耿光

採訪

劉教敷

以下均邑人

徐徵庸

陳保育

張鎮原

劉冠芳

十七

張肇元

劉冠瀛

文煥

董溶

束紳

張國儒

王端甫

汪時欽

梅財中

張爾宇

南陵縣志

卷首 題名

劉裕昆

潘潤澤

章成

秦良楷

宋成章

方之舟

陳振鏞

張承煥

王玉珊

劉際中

一八一

潘稼阡

陶子貴

馬茂林

王國煌

茅育英

馬紹武

俞逢源

梅龍夔

穆不已

張承榮

南陵縣志

卷首 題名

周庠

李秉鈞

戴有鄰

朱文煒

汪楷

汪廷魁

王松培

汪炳章

徐春山

孫其昌

十九

汪孟養

雷濟南

童惟康

戴長忠

沈國英

阮少青

劉光庭

徐舜臣

葉樹銘

姚寶山

南陵縣志

卷首 題名

葉佩清

馮國琛

胡寶三

高淑田

王立中

徐陶庵

何文炳

黃勛

張寶鎔

余躍龍

三十一

鍾文魁

李西庚

丁寶三

楊懷清

何謙

孫謙

孫輔仁

孫樹榛

汪錦榮

鮑盛林

南陵縣志 卷首 題名

汪志祥

時懷古

張隆昌

姚繼唐

林則芳

張雲佐

何彬

牧鵬

張維藩

陳國恩

二十二

曹志沂

俞鶴年

馮楨幹

張樹翰

夏之鼎

劉冠英

何光榮

秦忠

俞廷凱

何觀瀾

南陵縣志 卷首 題名

盛湧濤

陶鎔

馬廷揚

會計

張森 以下均邑人

秦芬

劉冠元

劉照芙

庶務

朱焯 邑人

二十二

收掌

楊福葆

字芷青邑人

測繪

王新

以下均邑人

王清

書記

朱長庚

邑人

總校

劉葆儒

儀徵人

分校

南陵縣志

卷首 題名

鄧問馨

以下均邑人

吳廷燮

何廷獻

童惟康

吳培芳

陳繞雲

盛兆恩

汪天澤

膳錄

張慶藩

以下均邑人

二十三

吳葆清

潘淮

姚王翰

張汝勛

喬裕德

王金鐸

盧焜望

朱華椿

傅海珊

督印

南陵縣志

卷首 題名

沈嘉金

字駿聲紹興人上海大東書局印刷所主

監印

徐志仁

字篤初紹興人

胡基成

字善慶紹興人

二十四